



D. O. M.
T H E S E S
A N A T O M I C O - C H I R U R G I C Æ.

Præsides M. ROCHO DUBERTRAND, Facultatis Artium,
& Chirurgiæ Magistro, in almâ Universitate Parisiensi, an-
tiquo Scholarum Præposito, Regiæ Chirurgorum Academiæ
Consiliario, necnon Bibliothecario, &c.

An Antiquiori deligatione, post femoris amputationem, alia præstantior?



ASCI & mori, ea est lex naturæ; vivere & pati, ea conditio humana. Homo duplici substantiâ conflatur, animâ scilicet & corpore; mutuum utrinquè adeò desideratur commercium, ut, tantillùm eo deficiente ipse languescat; planè destituto mox intereat. Mors autem non est unica hominis necessitas, sunt adhuc varia incommoda varias vitæ periodos insequentia: vix enim in lucem editus, jam maximæ debilitatis præbet argumenta; vult-ne suos artus extendere? Eos confringi subit periculum; in tenerâ, ut in provectioni

A

ætate, vita semper in discrimen protrahitur, partim calculo in cystide urinariâ contento, partim herniâ quandòque incarceratâ, partimque fracturis quas sæpè sæpiùs subsequuntur, dolor, inflammatio, gangræna. Uno verbo neminem latet, quot & quantis corpus humanum obijciatur infòrtuniis, quibus certè obrueretur, nisi citò ei succurreret Chirurgia. Si autèm innumeras inter operationes, quas exsequitur hæc Ars salutifera, amputatio sit sola, quæ scrupulosius mentes ab omni ævo detinuit, quæque summam in nostro manum accepisse videtur: nulla est etiam, cujus deligatio, hûc usquè usitata, secùm tanta trahit incommoda, præcipuè post femoris amputationem; itaque istius infaustæ methodi vitium hîc insectari suscipimus; postea nostram, ut meliorem simplicioremq; elucidabimus: attamen brevis anatomica femoris descriptio priùs est exponenda.

EX ANATOMIA.

IN femore (maximo totius corporis humani osse) tres præcipuæ partes, corpus scilicet, seu pars media, duæque extremitates, considerandæ veniunt. Corpus incurvatum antrorsum, ad cylindricam figuram multum accedit: huic distinguuntur facies anterior, & duæ posteriores laterales, asperâ distinctæ lineâ, quæ ad trochanteres superius, sic ad inferiores condylos fit bifida. Superiori parti inest caput cartilagine munitum, in medio excavatum, ubi inseritur ligamen rotundum, aut planum (1), quod includitur in illius ossis articulatione per ἐνὰ τροχίῳ cum cavitate cotyloideâ. Huic apophysi subjacet alia eminentia figuræ cylindricæ, modo obliquo ab inferiore externâ, ad superiorem internam, & tantisper antrorsam partem directâ. Extremitas inferior hujus ossis lata atque crassa est, illiusque basim veluti constituit (2). In illâ observantur quatuor eminentiæ, quarum duæ laterales, & inferiores dicuntur *tuberositates*; duæque aliæ, seu *condyli* cartilaginibus obducti, articulationis mortui inservientes, posterius à se separantur, & antè in trochleæ modum conficiuntur. Illud os tum intus, tum extus præter articulationes & muscutorum insertionem, membranâ densâ, & elaterio donatâ περὶοστεῖν dictâ, defenditur. Quatuordecim vulgò annumeran-

(1) Vid. Heister. compend. anatom. p. 53.

(2) Vid Winslow. *Traité des os secs.*

tur musculi femur moventes; tribus elevatur *psoa* nempè, *iliaco* & *pectinæo*; extenditur à majore *glutæo*; alii *glutæi* minor, minimusque, *fasciâ latâ* juvante, femur abducunt; adducitur è contra à *tricipiti* tantum: in orbem versatur, mediantibus *pyriformi*, *gemellis*, *quadrato*, *obturatoribusque*. In femoris etiam structurâ, annotandi sunt musculi, quibus crus movetur. *Recto* seu *gracili* anteriore, *cruræo*, *vastisque* extenditur; flectitur autem *sartorio semi-membranoso-nervoso*, *bicipiti*, *gracili*que interno: dein actione *poplitæi*, unâ cum *bicipitis* capite longo crus extrâ femirotatione movetur. Omnium horum musculorum, alii sunt liberi, idest partim, tibiæ, partim ossi innominato inferuntur; aliique femoris ferè longitudinem adæquant, & ei inhærescunt. Vasa femoris sunt omni-gena; arteriæ dicuntur *cruralis* & *musculares*: hæ dividuntur in mediam, & duas laterales. Cruralis autem ab origine ferè est anterior, sensim fit interna, brevi posterior; dein *tricipitem* perforando, *poplitæam* producit. Quoddam venas idem, ac sociæ arteriæ, nomen obtinent. Præcipui sunt duo nervi *cruralis* & *sciaticus*: ille seu anterior secundo, tertio & quarto pari lumbari simul unitis efformatur; & similem ejusdem nominis arteriæ viam sequens, varios emittit ramulos. Posterior, *sciaticus*-ve major, è pari ultimo lumbari, tribusque prioribus sacris componitur, per magnam ossis ilei incisuram egressus, inter tuberositatem ischii, & majorem trochanterem, per crus totum, pedem ad digitos usque distribuitur.

EX CHIRURGIA.

I.

AMPUTATIO græcis *αποτμησις* ea est operatio, quâ institutâ, quoddam membrum à corpore refecatur. Celebrant eam Chirurghi, quoties pars una aded afficitur, ut nulla spes, aut eam *therapeutice* curandi, aut etiam conservandi absque maciei periculo, supermaneat (1): hæc autem operatio, pro vario loco, varium nomen sortitur. Si spectet membrorum contiguitatem seu *juncturas*, in articulo dicitur amputatio; si continuitatem, vel reservantur segmina, vel non, tuncque segminosa, aut circularis: & hæc imprimis pro femore exsequitur. Omnes inter causas, quæ femur ad amputandum impellunt, recensentur (2) femoris,

(1) Vid. Opera posthum. D. Petit M. C. P.

(2) Vid. Heist. institut. Chir. capit. XXXVI.

aut tibiæ caries prope genu, eorum comminutio; arteriæ *cruralis*, vel *popliteæ* læsio gravis, arteque insanabilis: nulla verò præ aliis frequentior sphacelo, cujus theoriam explicare paucis verbis immoramur. Sphacelus cum sit gangræna ad intensiorem gradum provecta, inde sequitur quædam inter utrumque differentia. Etenim in priore, omni cessante vitali actione, abolitoque fluido nerveo vivificandis partibus inserviente, integra fit destructio; in posteriore è contrà, impedito sanguinis circuitu, mors tantum impendet. Indicia autem sphaceli existentis desumuntur; 1°. à mutato colore cutis, quæ fit fusca, nigra, quæ pustulis ichore repletis defædatur, si sit sphacelus humidus: si siccus, cutis indurefcit, & quasi torrefacta. 2°. A frigiditate & insensibilitate partis, quæ tunc pungi, aut discendi possit absque ullo dolore. 3°. Exsurgit exhalatio contaminata; insuper ad vicinia serpit corruptio, quæ ad fatale exitium mox duceret, nisi Chirurgia genti humanæ semper salutifera auxiliatrici manu ei subserviret; nisi que provariis lethiferæ corruptionis gradibus præsentem afferret medelam. In sphacelo autem unicum adest remedium, Artus rescisio (1).

I I.

PRÆMISSIS in femoris ut aliorum artuum amputatione præmittendis, Chirurghum ad externam femoris partem stare par est. Tunc, sanguine coercito torcularis ope D. Petit (2), cutem, quàm fieri potest, fursum attrahi curat, subitòque duos laqueos, ut firmiter contineantur carnes, apponit; tuncque femur in situ directo à famulis contentum cultro falcato ad os usque in loco designato (3) descendit. Postea, cute carnisque unâ sectis, laqueum superiorem solvit, carnesque ossi hærentes, juxta oras earum, linteo fisso, fursum fortiter retractarum, vel ope fastigiati cultri, vel scalpelli longioris refecat; periosleum inde solerter radendo dividit, & os ipsum ferrulâ aufert. Femore tandem amputato, ligatura vasorum est instituenda, quæ acu curvatâ fili firmioris ceratque instructâ perficitur: nunc ad deligationem.

(1) Vid. Heist. instit. Chir. articul. de gangr. & sphacel. Cels. lib. V. capit. 26. n. 34. Garangeot, *Traité des opérations*. D. Joan. Juncker. tabul. X. de sphacel. n°. II.

(2) Hoc torcular vasa comprimere debet in parte femoris internâ superiori.

(3) Locus ille sit semper inferior, duosque inter laqueos.

III.

QUEMADMODUM citò, tutò & jucundè sententiam maximè decantatam in operationibus suis crepat ars ambidextra ; crepat & illam in sagaci vulnerum deligatione. Vulnus autem, ut recens, ut simplex, aliis non discrepat, easdemque in curatione ferè offert indicationes. Itaque non immeritò jam à longo exulaverunt tot diversi generis spicula, lanceoli, forcipes, laquei; exulavère tot & unguenta, digestiva, nec non balsama. In deligatione igitur præsentì, cui bono tanta spleniorum, tanta fasciæ farrago? Cur molesta positio artûs? Vulnus illud sanguine coercito, necnon vinctis arteriis, ex se nil periculi habet: hujus è contrà deligatio, quò complicatior erit; eò graviora symptomata, eò lentior curatio, majora denique exfurgunt incommoda. Consideranti porrò antiquioris, femore resecto, deligationis effectum, & vulnus ampliari, & malorum vim ac numerum augeri, facilè ei patebit: unde curatio lenta, si evenit, ipsa incerta, semperque injucunda. Etenim ex his linamentis rudi modo digestis, variis spleniis, omnibus fasciæ circuitibus, situque membri mutilati intempestivo, nascuntur irritationes, pressionesque periculosæ: sed cùm omnia hæc applicata humorum optandæ degurgitationi obstant, turgēt membrum, turgēt idem immensè (1), fiti ardenti torquetur æger, febris inflammatoriâ, doloribusque symptomaticis necnon convulsivis afficitur. Imò suppuratio, quæ tunc cohibetur, fit deinde immoderata pravæque indolis; exinde tumores varias partes, *inguen* v. g., occupantes, marasmus deinceps, & sæpè interitus. Abundantiori enim suppuratione in laticem refluxâ, sanguis fit degener, functiones læduntur, languescunt, aboluntur. Insuper si fortè obtineatur curatio, ex hâc fasciatione, situque trunci præsertim inconsultò verticali, superest offis exsuperantia, ac turbinata hujus membri figura, quâ artificialis applicatio artûs impeditur.

IV.

Ex suprâ dictis, vulnus amputationis est recens ac simplex: attamen inflammatione, subsequenteque ingurgitatione mox laborabitur cùm quo-

(1) Teste D. Monro. Vid. Ess. d'Edimbourg, tom. IV. Aliunde videre est manifesta spleniorum vestigia

dam doloris sensu ; sed sex, octo, plus minusve diebus elapsis, hæc accidentia paulatim evanescunt, & fit salubrior suppuratio, quâ deinceps partes molles deprimuntur, inchoaturque cicatrix à circumferentiâ ad centrum pellicenda : nullus est autem quin videat, quantum methodus Antiquorum, in vulnere deligatione his omnibus noceat, quàmque pariter optanda sit simplicior, in quâ vulnus ejusque vicinia nec premantur, nec coarctentur ; in quâ demùm suo in opere natura nullatenus perturbetur. *Natura enim simpliciter agit, & agit optimè* : naturam igitur sequatur ars ministra. Sed ut hujus beneficæ matris vota obsequantur, aliam ut simpliciore melioremque (1) cum celeberrimo D. *Louis* proponere nobis liceat. Femore itaque resecto, vinctis arteriis, linamenta sicca sed mollia in plagam admoveri, postea longum crassumque pro vasorum directione splenium injici, circulatimque fasciam apponi à parte membri superiore ad pollicis è vulnere distantiam ; sex denique fascias simplices carnibus approximandis dicatas ordinari, suademus. Hæ fasciæ, ipsarumve extremitates suprâ truncum figuram stellæ efformare debent, retinenturque ab ipsâ circulari reflectente, aut aliâ. His ritè peractis, neglectoque pulvillo sub femore resecto, molliter obvoluto (2), ægrum recubare juvat (3). In nostrâ methodo, pressiones, si quæ sint, molles æqualesque fiunt, vulneris diametrum minuitur, ingurgitatio minima, dolores quasi nullæ, suppuratio laudabilis, cicatrix deinde legitima. Quin imò, posito horizontalitè membro, carnes non retrahuntur, prævidetur offis exsuperantia, facilisque *πρωεσι* ansa præbetur : cùmque æger, nostrâ methodo, varios motus faciliùs exercere potest (4), minùs angitur, minùs vexatur, commodioremque ad somnum habet propensionem. Nostræ sententiæ objicient forsàn adversarii sanguinis profluvium, hocce situ, valdè esse pertimescendum ; Vanus Timor ! Si enim perpen-

(1) Vide acta Acad. Chir. Reg. Tom. II, pag. 400. *De l'appareil & du bandage de l'Amputation.*

(2) Pileo, v. g. laneo, ut commendat D. LEDRAN, *Traité des opérations*, & D. MONRO, *Ess. d'Edimbourg*, Tom. jam cit.

(3) Jubet etiam D. MARET, M. Chir. Divionensis. Vide acta Acad. Divion. Tom. 2, *sur la cause de la saillie de l'os & de sa dénudation à la suite de l'amputation de la cuisse*, page 62.

(4) Teste D. MARET. Vide libr. jam citat.

dant , quòd torcular super vasa relinquamus , quòdque splenium in eorum directionem adhibuerimus, nil reformidabunt, & certè nobiscum concludent.

Ergò Antiquiori deligatione , post femoris amputationem , alia præstantior.

Quas , DEO JUVANTE , tueri conabitur MICHAEL-MARIA BAGET, Parisinus , in almâ Universitate Parisiensi Artium liberalium Magister , Doct̃or-Medicus Remensis , necnon Theseos Auct̃or.

P A R I S I I S ,

IN REGIIS CHIRURGORUM SCHOLIS.

Die Sabbati 27^a Maii à sesqui-secundâ post meridiem ad septimam.

A. R. S. H. 1775.

P R O A C T U P U B L I C O

E T

M A G I S T E R I I L A U R E A.

Typis P. G. SIMON , sup̃remi Senatûs Typographi ,
viâ vulgò *Mignon* nuncupatâ. 1775.

IN DEUS CHIROGRAPHUM SCHOLIS

PARIS 1775

PRO ACTU PUBLICO

MAGISTERII LAUREA

IN DEUS CHIROGRAPHUM SCHOLIS

PARIS 1775

PRO ACTU PUBLICO

MAGISTERII LAUREA

IN DEUS CHIROGRAPHUM SCHOLIS

PARIS 1775

PRO ACTU PUBLICO

MAGISTERII LAUREA

IN DEUS CHIROGRAPHUM SCHOLIS

PARIS 1775

PRO ACTU PUBLICO

MAGISTERII LAUREA

IN DEUS CHIROGRAPHUM SCHOLIS

PARIS 1775

PRO ACTU PUBLICO

MAGISTERII LAUREA

IN DEUS CHIROGRAPHUM SCHOLIS

PARIS 1775

PRO ACTU PUBLICO

MAGISTERII LAUREA

IN DEUS CHIROGRAPHUM SCHOLIS

PARIS 1775

PRO ACTU PUBLICO

MAGISTERII LAUREA